

EX CAPTEIVIS.

DRAMATIS PERSONÆ.

ERGASILUS, *Parasitus.*

HEGIO, *Philopolemi Pater.*

PHILOCRATES, *Eliensis.*

TYNDARUS, *Servus ejus.*

LORARJI,

ARISTOPHONTES. *Captivus apud Aetolos, et Philocratis amicus.*

PHILOPOLEMUS. *Hegionis filius, captivus apud Eleos.*

STALAGMUS. *Hegionis servus fugitivus.*

PROLOGUS.

Hos, quos videtis stare hie Capteivos duos,
Illi qui astant, hi stant ambo, non sedent.
Vos vos mihi testes estis me veram loqui.
Senex qui hic habitat Hegio, est hujus pater,
Sed is quo pacto serviat suo sibi patri,
Id ego hic apud vos proloquar, si operam datis.
Seni huic fuerunt filii nati duo:
Alterum quadrum puerum servos surpuit:
Eumque hinc profugiens vendidit in Alide
10. Hujusce patri. Jam hoc tenetis? optumum est.
Negat, hercle, ille ultimus. accedito:
Si non, ubi sedeas, locus est, est ubi ambules:
Quando histrionem cogis mendicarier.
Ego me, tuâ caussâ, ne erres, non rupturus sum.
Vos qui potestis ope vostrâ censerier,

- Accipite reliquom: alieno uti nihil moror.
 Fugitivos ille, ut dixeram ante, hujus patri,
 Domo quem profugiens dominum abstulerat, vendidit.
 Hic postquam hunc emit, dedit eum gnato suo
 20. Peculiarem: quia quasi una aetas erat.
 Hic nunc domi servit suo patri, nec scit pater.
 Enimvero Di nos quasi pilas homines habent.
 Rationem habetis, quomodo unum amiserit.
 Postquam belligerant Aetoli cum Aliis,
 Ut in bello fit, capitur alter filius.
 Medicus Menarchus emit ibidem in Alide.
 Coepit Capteivos commercari hic Alios,
 Si quem reperire posset, cum quo mutet suum
 Illum Capteivom. Hunc suum esse nescit, qui domi est,
 30. Et quoniam heri inde audivit, de summo loco,
 Summoque genere captum esse equitem Alium,
 Nihil pretio parsit, filio dum parceret:
 Reconciliare ut facilius posset domum,
 Emit hosce de praedâ ambos de Quaestoribus.
 Hice autem inter se se hunc confinxerunt dolum
 Quo pacto hic servus suum herum hinc amittat domum.
 Itaque inter se commutant vestem et nomina.
 Illic vocatur Philocrates, hic Tyndarus.
 Hujus illic, hic illius hodie fert imaginem
 40. Et hic hodie expediet hanc docte fallaciam:
 Et suum herum faciet libertatis compotem
 Eodemque pacto fratrem servabit suum:
 Reducemque faciet liberum in patriam ad patrem
 Imprudens: itidemque ut saepe jam in multis locis
 Plus insciens quis fecit, quam prudens boni.
 Sed insciens suâ sibi fallaciâ
 Ita compararunt, et confinxerunt dolum:
 Itaque hi commenti de suâ sententiâ,

Ut in servitute hic ad sunm maneat patrem:

50. Ita nunc ignorans suo sibi servit patri.

Homunculi quanti sunt, cum recogito!

Haec res agetur nobis, vobis fabula.

Sed etiam est, paucis quod monitos vos voluerim,

Profecto expediet fabulae huic operam dare,

Non praettractate facta'st, neque item ut caeterae;

Neque spurcidici insunt versus immemorables;

Hic neque periurus (homo) est, nec mulier (mala);

Neque miles gloriosus: ne vereamini,

Quia bellum Aetolis esse dixi cum Aliis,

60. Foris illic extra scenam fient praelia:

Nam hoc pene iniquum est comicò choragio

Conari de subito nos agere Tragoediam.

Abeo. Valete, judices justissimi,

Domi bellique, duellatores optumi.

Act. I. Scen. II.

HEGIO, LORARIUS.

Heg. Advorte animum sis tu. Istos Capteivos duos,

Here quos emi de praedâ, de Quaetoribus,

His indito catenas singularias;

Istas majores, quibus sunt vineti, demito.

Sinito ambulare, si foris, si intus volent;

70. Sed uti asserventur magnâ diligentia,

Liber capteivos avis fere consimilis eat,

Semel fugiendi si data est occasio,

Satis est; numquam post illam possis prendere.

Sed satis verborum est. Cura, quae iussi.

Ego ibo ad fratrem, ad alios captivos meos

Visam, ne nocte hac quippam turbaverint,

- Inde me continuò accipiam rursum domum.
 Quoniam ab Eleis captu'st Philopolemus meus;
 Eccum hic captivum adolescentem Alium
 80. Prognatum genere summo et summis divitiis,
 Hoc, gnatum me meum mutare, confido fore:
 Ad fratrem, quò ire dixeram, mox ivero.
-

Act. II. Scen. I.

LORARII, PHILOCRATES, TYNDARVS.

Lor. Si Dii immortales id voluere, vos hanc aerum-
 nam exsequi,

Decet id pati aequo animo: si id facietis, levior labos
 erit.

Domi suistis, credo, liberi:

Nunc servitus si evenit, ei vos morigerari mos bonu'st,
 Eamque herili imperio ingenii vostris lene red-
 dere.

Indigna digna habenda sunt, herus quae facit.

Phi. Unum exorare vos sinite nos. *Lor.* Quidnam id
 est? *Phi.* Ut sine arbitris

90. Atque vobis, nobis detis locum loquendi.

Lor. Fiat: abscedite hinc: concedamus huc. Sed bre-
 vem orationem incipesse. *Tyn.* Obnoxii ambo
 Vobis sumus propter hanc rem: quom quae volumus
 nos,

Copia est. et eius facitis nos compotes.

Phi. Secede huc nunc iam, si videtur, procul:

Ne arbitri dicta nostra arbitrari queant:

Neve permanet palam haec nostra fallacia:

Nam doli non doli sunt, nisi astu colas;

Sed malum maximum, si id palam provenit.

Nam si herus mihi es tu , atque ego me tuum esse
servom assimilo,

100. Tamen viso opu'st, cauto 'st opus, ut hoc sobrie, sine
arbitris,,

Accurate hoc agatur, docte et diligenter.

Tanta incopta res est: haud somniculose hoc

Agendum est. *Tyn.* Ero. ut me voles esse. *Phi.* Spero.

Tyn. Nam tu nunc vides pro tuo caro capite,

Carum offerre meum caput vilitati.

Phi. Scio. *Tyn.* At scire memento quando, id, quod
voles, habebis.

Nam fere maxima pars morem hunc homines habent:
quod sibi volunt

Dum id impetrant, boni sunt: sed id ubi iam penes
sese habent,

Ex bonis pessumi, et fraudulentissimi

110. Sunt. Nunc ut te mihi volo esse, esse autumo

Quod tibi suadeam, suadeam meo patri.

Phi. Pol ego te, si audeam, meum patrem nominem,
Nam secundum patrem tu es pater proximus.

Tyn. Audio. *Phi.* Et propterea saepius te, ut memine-
ris, moneo.

Non ego herus tibi, sed servos sum. Nunc obsecro te
hoc unum,

Quoniam nobis Di immortales animum ostenderunt
suum,

Ut qui herum me tibi fuisse, atque esse nunc conser-
vom velint,

Quod antehac pro iure imperitabam meo, nunc te oro.

Per fortunam incertam, et per mei te erga bonitatem
patris,

120. Perque conservitum commune, quod hosticâ evenit
manu.

Ne me secus honore honestes, quam ego te, quom servibas mihi.

Atque ut qui fueris, et qui nunc sis, meminisse memineris.

Tyn. Scio quidem me te esse nunc, et te esse me.

Phi. Hem, istuc si potes

Memoriter meminisse, inest spes nobis in hâc astutiâ.

Ibid. Scen. II.

HEGIO, PHILOCRATES, TYNDARVS.

Heg. Iam ego revortar intrò, si ex his quae volo exquisivero.

Ubi sunt isti, quos ante aedis iussi huc produci foras?

Phi. Aedepol tibi ne quaestioni essemus, cantum intellego;

Ita vincis custodiisque circummoeniti sumus.

Heg. Qui cavet, ne decipiatur, vix cavet, cum etiam cavet.

130. *Etiā cum cavisse ratus, saepe is cautor captus est.*

An vero non iusta caussa est, cur vos servem sedulo,
Quos tam grandi sim mercatus praesenti pecunia?

Ut vos hic, itidem illic apud vos meus servatur filius.

Phi. Captus est? *Heg.* Ita. *Phi.* Non igitur nos soli ignavi fuimus?

Heg. Secede huc; nam sunt ex te quae solo scitari volo.

Quarum rerum te falsiloquom mihi esse nolo. *Phi.* non ero,

Quod sciam. Si quid nescivi, id nescium tradam tibi.

Heg. Quid tu? servusne esse an liber mavelis? memoria mihi.

Phi. Proximum quod ait bono, quodque a malo
longissime,

140. *Id volo.* Quamquam non multum fuit molesta servitus:
Nec mi secus erat, quam si essem familiaris filius.

Heg. Quo de genere natu'st illie Philocrates? *Phi.*
Polyplusio:

Quod genus illic unum est pollens atque honorati-
tissimum?

Heg. Quid ipsus hic? quo honore est illic? *Phi.*
Summa, atque a summis viris.

Heg. Tum igitur ei cum in Aliis tanta gratia est,
ut praedicas,

Quid divitiae? Suntne opimae? *Phi.* Unde excoquat
servum senex,

Heg. Quid pater? vivitne? *Phi.* Vivum cum inde
abiimus, liquimus.

At nunc vivat, nec ne, id Orcum scire oportet scilicet.

Heg. Quod erat ei nomen? *Phi.* Thesaurochryso-
nicochrysides

150. *Heg.* Videlicet propter divitias inditum id nomen quasi
est.

Phi. Imo aedepol propter avaritiam ipsius, atque
audaciam:

Nam ille quidem Theodoromedes fuit germano nomine.

Heg. Quid tu ais? tenaxne pater ejus est? *Phi.* Imo
aedepol pertinax.

Quin etiam ut magis noscas, Genio suo ubi quando
sacrificat,

Ad rem diuinam, quibus est opus, Samiis vasis utitur,
Ne ipse Genius surripiat: proinde aliis ut credat, vide.

Heg. Sequere hoc me igitur. Eadem ego ex hoc, quae
volo, exquisivero.

Philocrates hic fecit hominem frugi, ut facere oportu't?

Nam ego ex hoc, quo genere natus sit, scio: hic
fassu'st mihi,

160. Haec tu eadem si confiteri vis, tuâ re feceris?

Quae tamen scito scire me ex hoc. *Tyn.* Fecit officium
hic suum.

Cum tibi est confessus verum: quamquam volui sedulo
Meam nobilitatem occultare, genus, et divitias meas,
Hegio, quando patriam, et libertatem perdidisti,
Non ego istunc me petius, quam te metuere, aequom
censeo,

Vis hostilis cum istoc facit meas opes aequabileis.

Memini quom dicto haud audebat, facto nunc laedat
licet:

Sed viden? fortuna humana singit artatque, ut lubet:
Me, qui liber fueram, servom fecit; e summo infimum:

170. Qui imperare insueveram, nunc alterius imperio obsequor:
Et quidem, si proinde, ut ipse fui imperator familiae,
Habeam dominum, non verear, ne injuste aut graviter
mihi imperet.

Hegio, hoc te monitum, nisi forte ipse non vis, vo-
lueram,

Heg. Loquere audacter. *Tyn.* Tam ego fui ante liber,
quam gnatus tuus:

Tam mihi, quam illi, libertatem hostilis eripuit manus;
Tam ille apud nos servit, quam ego nunc hic apud
te servio.

Est profectò Deus, qui, quae nos gerimus, auditque,
et videt.

Is, uti tu me hîc habueris, proinde illum illîc curaverit.
Bene merenti bene profuerit, male merenti par erit.

180. Quàm tu filium tuum, tam pater me meus desiderat.

Heg. Memini ego istoc. Sed faterin' eadem, quae fas-
su'st mihi?

Tyn. Ego patri meo esse fateor summas divitias domi.
 Meque summo genere gnatum: sed te obtestor, Hegio,
 Ne tuum animum avariorem saxint divitiae meae:
 Ne patri tametsi unicus sum, decere videatur magis,
 Me saturum servire apud te sumtu, et vestitu tuo
 Potius, quam illi, ubi minime honestum est,
 mendicantem vivere.

Heg. Ego virtute Deum, et majorum nostrum dives
 sum satis.

Non ego omnino lucrum omne esse utile homini exi-
 stumo.

Scio ego. Multos jam lucrumluculentos homines red-
 didit.

190. Est etiam, ubi profecto damnum praestet facere, quam
 lucrum.

Odi ego aurum: multa multis saepe snasit perperam.
 Nunc hoc animum advortito, ut ea quae centio, pari-
 ter scias,

Filius meus illic apud vos servit captus Alide.
 Eum si reddis mihi, praeterea unum nummum ne duis:
 Et te, hunc amittam hinc. Alio pacto abire hinc non
 potes.

Tyn. Optimum atque aequissimum oras; optimusque
 hominum homo es.

Sed is privatam servitutem servit illi, an publicam?

Heg. Privatam medici Menarchi. *Phi.* Pol hic quidem
 hujus est cliens.

Tam hoc quidem tibi in proclivi, quam imber est,
 quando pluit.

200. *Heg.* Fac is homo ut redimatur? *Tyn.* Faciam: sed te
 id oro, Hegio.

Heg. Quidvis, dum ab re quid ores, faciam. *Tyn.* Aus-
 eulta dum, scies.

Ego me amitti, donicum ille huc redierit non postulo:
Verum, te quaeso: ut austumatum hunc mihi des, quem
mittam ad patrem,

Ut is homo redimatur illi. *Heg.* Imo alium potius
misero

Hinc, ubi erunt induciae, illuc tuum qui conveniat
patrem:

Qui tua, quae tu miseris, mandata, ita ut velis,
perferat.

Tyn. At nihil est, ignotum ad illum mittere: operam
luseris.

Hanc mitte, hic omne transactum reddet, si illuc
venerit.

Nec quemquam fideliores, neque cui plus credit potes

210. Mittere ad eum: nec qui magis sit servus ex sententiâ:
Neque adeo quoi tuum concredat filium hodie au-
dacijs.

Ne vereare, meo periculo huius ego experiar fidem,
Fretus ingenio eius, quod me esse scit erga se bene-
uolum.

Heg. Mittam equidem isthunc austumatum, tuâ fide,
si vis. *Tyn.* Volo,

Quam citissime potest, tam hoc cedere ad factum volo.

Heg. Num quae causa est, quin, si ille huc non re-
deat, viginti minas

Mihi des pro illo? *Tyn.* Optume imo. *Heg.* Solvite
istum nunc iam,

Atque utrumque. *Tyn.* Di tibi omnes omnia optata
afferant;

Cum me tanto honore honestas: cumque ex vinclis
eximis.

220. Hoc quidem haud molestum est, quod collus col-
laria caret,

Heg. Quod bonis benefit beneficium, gratia ea graui-
da est bonis;

Nunc tu, illum si illo es missurus, dice, demonstra,
praecipe,

Quae ad Patrem vis nunciari: Vin' vocem huc ad te?

Tyn. Voca.

Ibidem Scen. III.

AEDEM PERSONAE.

Heg. Quae res bene vortat mihi meoque filio,

Vobisque. Volt te novus herus operam dare

Tuo veteri domino, quod is velit, fideliter

Nam ego te aestumatum huic dedi viginti minis:

Hic autem te ait mittere hinc velle ad patrem,

Meum ut illic redimat filium; mutatio

230. Inter me atque illum ut nostris fiat filiis.

Phi. Utroque versus rectum est ingenium meum

A te, atque ad illum: pro rotâ me uti licet.

Vel ego huc, vel illuc vortar, quo imperabitis.

Heg. Hem tibi hominem. *Tyn.* Gratiam habeo tibi,

Quom copiam istam mihi et potestatem facis.

Ut ego ad parentes hunc remittam nuncium;

Qui me quid rerum hic agitem, et quid fieri velim,

Patri meo ordine omnem rem illuc perferat.

Nunc ita conuenit inter me atque hunc; Tyndare;

240. Ut te aestumatum in Alidem mittam ad patrem.

Ac si non rebitas huc, ut viginti minas

Dem pro te, *Phi.* Recite convenisse sentio.

Nam pater expectat, aut me, aut aliquem nuncium,

Qui hinc ad se veniat. *Tyn.* Ergo animum advor-
tas volo,

Quae nunciari hinc te volo in patriam ad patrem:

Omnium primum salutem dicio matri ac patri,
Et cognatis, et si quem alium benevolentem videris:
Me hic valere, et servitatem servire huic homini
optumo,

Qui me honore honestiorem semper fecit, et facit.

250. *Phi.* Istuc ne praecipias: facile memoria memini tamen.
Tyn. Nam quidem, nisi quod custodem habeo, liberum
me esse arbitror.

Dicito patri, quo pacto mihi cum hoc convenerit
De huius filio. *Phi.* Quae memini mora mera est
monerier.

Tyn. Ut eum redimat, et remittat nostrum huc am-
borum vicem.

Phi. Meminero. *Heg.* At quamprimum poterit: istuc
in rem utriusque est maxime.

Phi. Non tuum tu magis videre; quam ille suum
gnatum cupit.

Heg. Meus mihi, suus cuique est carus. *Phi.* Num-
quid aliud vis patri

Nunciari? *Tyn.* Me hic valere: et tute audacter dicio,
Tyndare, inter nos fuisse ingenio haud discordabili:

260. Neque te conmeruisse culpam: neque me advor-
satum tibi:

Beneque hero gessisse morem in tantis aerumnis tamen
Neque me umquam deseruisse te, neque factis, ne-
que fide.

Rebus in dubiis, egenis. Haec pater quando sciet,
Tyndare, ut fueris animatus erga suum gnatum at-
que se;

Numquam erit tam auarus, quin te gratus emittat
manu:

Et meā operā, si hinc rebito, faciam ut faciat facilius.
Nam tuā operā, et comitate et virtute, et sapientiā.

Fecisti, ut redire liceat ad parentis denuo,
Cum apud hunc confessus es, et genus, et divi-
tias meas;

270. Quo pacto emisisti e vinclis tuum herum tuâ sapientiâ.

Phi. Feci ego ista ut commemoras? et te meminisse
id gratum 'st mihi:

Merito ibi ea evenerunt a me. Nam nunc, Philocrates,
Si ego item memorem, quae me ergâ multa fecisti bene,
Nox diem adimat; nam si servus meus esses, ni-
hilo secins

Obsequiosus mihi semper fuisti. *Heg.* Di vostram fidem,
Hominum ingenium liberale! ut lacrumas excutiant
mihi!

Videas corde amare inter se: quantis laudibus suum
herum

Servus collandavit! *Phi.* Iстic pol haud me centesimam
Partem laudat, quam ipse meritus est, ut laudetur
laudibus.

280. *Heg.* Ergo cum optime fecisti, nunc adest occasio
Benefacta cumulare, ut erga hunc rem geras fideliter.

Phi. Magis non factum possum velle, quam opera ex-
periari persequi:

Id ut scias, Iovem supremum testem laudo, Hegio,
Me infidelem non futurum Philocrati. *Heg.* Probus
es homo.

Phi. Nec me secus umquam ei facturum quicquam,
quam memet mihi.

Tyn. Isthaec dicta te experiri, et operis, et factis volo.
Et quo minus dixi, quam volui de te, animum ad-
vortas volo

Atque horum verborum caussâ, caveto mihi iratus suas.
Sed, te quaeso, cogitato, hinc meâ fide mitti domum,

290. Te aestimatū, et meām esse vitām hic pro te posītam pignori,

Ne tu me ignores, quom exemplo meo e conspectu
abscesseris:

Quom me servum in servitute pro te hic reliqueris:

Tuqne te pro libero esse ducas, pignus deseras:

Neque des operam, pro me ut huius reducem fa-
cias filium.

Scio te hinc minis viginti aestimatū mittier:

Fac fidelis sis fidelī, cave fidem fluxam geras.

Nam pater, scio, faciet, quae illum facere oportet, omnia:

Serva in perpetuum tibi amicū me: atque hunc
inventum inveni.

Haec per dexterā tuām te dexterā retinens manū,

300. Obsecro, infidelior mihi ne suās, quām ego sum tibi.

Tu hoc age: tu mihi nunc herus es: tu patronus;
tu pater:

Tibi commendo spes, opesque meas. *Phi.* Manda-
visti satis.

Satin' habes, mandata quae sunt, facta si refero?
Tyn. Satis.

Phi. Et tua, et tua huc ornatū reveniam ex sententia.
Numquid aliud? *Tyn.* Ut quamprimum possis, red-
eas. *Phi.* Res monet.

Heg. Sequere me, vialicum ut dem hinc a trape-
zitā tibi:

Eadem opera a Praetore sumam Syngraphum,

Heg. Quem tu feras tecum ad legionem, hinc ire tibi
ut liceat domum.

Tu intro abi, *Tyn.* Bene ambulato. *Phi.* Bene vale,
Heg. Aedēpol rem meam

310. Constabilivi, cum illos emi de praedā a Quaestoribus.
Tyn. quem Syngraphum?

Expedivi ex servitute filium, si Diis placet.
 At etiam dubitavi, hos homines emerem, an non
 emerem, diu.
 Servate istum sultis intus, servi; ne quoquam pedem
 Efferat sine custode. Ego apparebo domi:
 Ad fratrem modo Capteinos alios inuiso meos.
 Eadem percontabor, ecquis hunc adolescentem noverit.
 Sequere tu, te ut amittam: ei rei primum praevor-
 ti volo.

Act. III. Scen. III.

T Y N D A R U S.

Nunc illud est, quom, me fuisse, quam esse, nimie
 mavelim:
 Nunc spes, opes, auxiliaque a me segregant, sper-
 nuntque se.
320. Hic ille est dies, cum nulla vitae meae salus spe-
 rabilis est.
 Neque exilium exitio est: neque adeo spes, quae mihi
 hunc aspellat metum:
 Nec mendaciis subdolis usquam mihi mantellum est
 meis:
 Nec sycophantiis, nec fucis ullum mantellum ob-
 viam est:
 Neque deprecatio perfidiis meis, nec malefactis fu-
 ga est:
 Nec confidentiae usquam hospitium est, nec divor-
 ticulum dolis:
 Operta quae fuere, aperta sunt: patent praestigiae.
 Omnis res palam est: neque de hac re negotium est,
 quin male
 Occidam, oppetamque pestem, heri vicem meamque.

Perdidit me Aristophontes hic, qui intro venit modo.

330. Is me novit: is sodalis Philocrati, et cognatus est.

Neque iam Salus, servare si volt, me potest; neque copia est:

Nisi si meo aliquam corde machinor astutiam.

Quam, malum! quid machiner? quid comminiscar?
maxumas

Nugas, ineptiasque incipisco. Haereo,

Ibidem Scen. IV.

HEGIO, TYNDARUS, ARISTOPHONTES.

Heg. Quò illum nunc hominem proripuisse foras se dicam ex aedibus?

Tyn. Nunc enim vero ego occidi: eunt ad te hostes,
Tyndare, quid loquar?

Quid fabulabor? quid negabo? aut quid fateor? mihi
Res omnis in incerto sita est. Quid rebus confi-
dam meis?

Utinam te Dii prius perderent, quam periisses e
patria tua

340. Aristophontes, qui ex paratâ re imparatam omnem
facis.

Occisa est haec res, nisi reperio atrocem mihi ali-
quam astutiam.

Heg. Sequere. Hem tibi hominem: adi, atque alloquere.

Tyn. Quis homo est me hominum miserior.

Arist. Quid istuc est, quod meos te dicam fugitare
oculos, Tyndare?

Proque ignoto me aspernari, quasi me numquam
noveris?

Equidem tam sum servus, quam tu: etsi ego domi li-
ber fui,

Tu usque a puero servitutem serviuisti in Alide:

Heg. Aedepol minume miror, si te fugitat, aut oculos tuos,

Aut si te odit, qui istum appelles Tyndarum pro Philocrate.

Tyn. Hegio, hic homo rabiosus habitus est in Alide.

350. Né tu, quod istic fabuletur, aures immittas tuas,

Nam istie hastis insectatus est domi patrem et matrem
Et illuc isti, qui sputatur, morbus interdum venit.

Proin tu ab istoc procul recedas. *Heg.* Ultrò istum a me. *Arist.* Ain, verbero,

Me rabiosum? atque insectatum esse hastis meum memoras patrem?

Et eum morbum mihi esse, qui me opus' sit insputarier?

Heg. Ne verere: multos iste morbus homines macerat
Quibus insputari saluti fuit. *Tyn.* Atqne Aliis profuit.

Arist. Quid tu autem, etiam huic credis? insanum esse me?

Tyn. Viden' tu hunc, quām inimico voltu intuetur?
Concedi optumum est.

360. *Hegio*, sit quod tibi ego dixi: gliscit rabies. Cave tibi.

Heg. Credidi esse insanum extemplo, ubi te appellavit Tyndarum.

Tyn. Quin suum ipse interdum ignorat nomen, neque scit qui siet.

Heg. At etiam te suum sodalem esse ajebat. *Tyn.*
Haud vidi magis.

Et quidem Alcmaeo, atque Orestes et Lycurgus postea
Unā operā mihi sunt sodales, quā iste. *Arist.* At etiam, furcifer,

Male mihi loqui audes? non ego te novi? *Heg.* Pol planum id quidem est

Non novisse, qui istunc appelles **Tyndarum** pro **Philocrate**.

Quem vides, eum ignoras; illum nominas, quem non vides.

Arist. Imo iste eum sese ait, qui non est, esse; et qui vero est, negat.

370. Tyn. Tu enim repertus, Philocratem qui superes verbo?

Arist. Pol, ego ut rem video, tu inventus, vera vanitudo.

Qui convincas: sed quaeo hercle, agendum aspice ad me. **Tyn.** Hem. **Arist.** Dic modo;

Te negas Tyndarum esse? **Tyn.** Nego, inquam **Arist.** Tun' te Philocratem esse ais?

Tyn. Ego inquam. **Arist.** Tu-ne huic credis? **Heg.** Plus quidem quam tibi, aut mihi:

Nam ille quidem, quem tu hunc memoras esse, hodie hinc abiit Alidem

Ad patrem huius. **Arist.** Quem patrem, qui servos est?

Tyn. Et tu quidem

Servos, et liber fuisti: et ego me confido fore,
Si huius huc reconciliasso in libertatem filium

Arist. Qui ais, furcifer? tun' te gnatum memoras liberum?

380. Tyn. Non equidem me Liberum, sed Philocratem esse ajo. **Arist.** Quid est?

Ut scelestus, Hegio, nunc is te ludos facit!

Nam is est servos ipse, neque praeter se umquam ei servos fuit.

Tyn. Quia tute ipse eges in patriâ, nec tibi qui viuas, domi est,

Omnis inveniri similis tibi vis: non mirum facis.

Est miserorum, ut malevolentes sint, atque invideant bonis.

Arist. Hegio, vide sis, ne quid tu huic temerè insistas credere.

Atque ut perspicio, profecto jam aliquid pugnae edidit.
Filium tuum quod redimere se ait, id neutiquam mihi placet.

Tyn. Scio te id nolle fieri: efficiam tamen id ego, si Dii adiuvant,

390. Illum restituam huic: hic autem in Alidem me meo patri.

Propterea ad patrem hinc amisi Tyndarum. *Arist.* Quin tute is es.

Neque praeter te in Alide ullus servos istoc nomine est.

Tyn. Pergin' servom me exprobrare esse, id quod vi hostili obtigit?

Arist. Enimvero iam nequeo contineri. *Tyn.* Heus audin' quid ait? quin fugis?

Iam illuc hic nos insectabit lapidibus, nisi illum iubes Comprehendi. *Arist.* Crucior. *Tyn.* Ardent oculi, fune opust Hegio,

Viden' tu illi maculari corpus totum maculis luridis?

Atra bilis agitat hominem. *Arist.* At pol, te, si hic sapiat senex,

Atra pix agitet apud carnufieem, tuoque capiti inlueat.

400. *Tyn.* Iam deliramenta loquitur, larvae stimulant virum.

Heg. Quid' quid si hunc comprehendi iusserim? *Tyn.* Sapias magis.

Arist. Crucior lapidem non habere me, ut illi mastigiae.

Cerebrum excutiam, qui me insanum verbis concinnat suis.

Tyn. Audin' lapidem quaeritare? *Arist.* Solus te solum volo,

Hegio. *Heg.* Istinc loquere, si quid vis; procul tamen audiam.

Tyn. Namque aedepol si adhibebis propius, os denasabit tibi

Mordicus. *Arist.* Neque pol me insanum, Hegio, esse creduis,

Neque fuisse umquam, neque esse morbum, quem istic autumat.

Verum si quid metuis a me, iube me vinciri: volo;

410. Dum istic itidem vinciatur. *Tyn.* Imo enim vero Hegio,

Istic, qui volt, vinciatur. *Arist.* Tace modo: ego te Philocrates

False, faciam, ut verus hodie reperiare Tyndarus.

Quid mi abnutas? *Tyn.* Tibi ego abnuto? quid agat, si absis longius?

Heg. Quid ais? quid si adeam hunc insanum? *Tyn.* Nugas: ludificabitur,

Garriet quod neque pes umquam, neque caput compareat.

Ornamenta absunt. Aiacem, hunc quom vides, ipsum vides.

Heg. Nihili facio; tamen adibo. *Tyn.* Ego nunc omnino occidi.

Nunc ego inter sacrum saxumque sto: nec, quid faciam, scio.

Heg. Do tibi operam, Aristophontes, si quid est quod me velis.

420. *Arist.* Ex me audibis vera, quae nunc falsa opinare, Hegio.

Sed hoc primum me expurgare tibi volo, me insaniam Neque tenere, neque mihi esse morbum, nisi quod servio.

At ita me rex Deorum atque hominum faxit patriae
compotem,

Ut istic Philocrates non magis est, quam aut ego, aut
tu. *Heg.* Eho! dic mihi,

Quis igitur ille est? *Arist.* Quem dudum dixi a
principio tibi:

Hoc si secus repieres, nullam causam dico, quin mihi
Et parentum, et libertatis apud te deliquio siet.

Heg. Quid tu ais? *Tyn.* Me tuum esse servom, et te
meam herum. *Heg.* Haud istuc rogo.

Fuistin' liber? *Tyn.* Fui. *Arist.* Enimvero uon fuit:
nugas agit.

430. *Tyn.* Quid id tam audacter dicere audes? *Arist.* Pue-
rum te vidi puer.

Tyn. At ego te video maior maiorem. Hem rursum tibi.
Meam rem non cures, si recte facias. Num ego
curo tuam?

Heg. Fuitne huic pater Thesaurochrysonicochrysides?

Arist. Non fuit, neque ego istuc nomen umquam
addivi ante hunc diem.

Philocrati Theodoromedes fuit pater. *Tyn.* Pereor
probe.

Heg. Satin istuc mihi exquisitum est faisse hue ser-
vom in Alide?

Neque esse hunc Philocratem? *Arist.* Tam satis,
quam numquam hoc inuenies secus.

Sed ubi is nunc est? *Heg.* Ubi ego minime, atque
ipsus se volt maxume.

Tum igitur ego deruncinatus, deartuatus sum miser

440. Huius scelesti technis; qui me, ut libitum est, duc-
tavit dolis.

Sed vide sis. *Arist.* Quin exploratum dico et pro-
visum hoc tibi.

Heg. Certon? *Arist.* Quin nihil, inquam invenies
magis certo certius.

Philocrates iam inde usque amicus fuit mihi a pue-
ro puer.

Heg. Sed quā facie est tuus sodalis Philocrates? *Arist.*
Dicam tibi?

Macilento ore, naso acuto, corpore albo, et oculis nigris,
Subrufus aliquantum, crispus, cincinnatus. *Heg.*
Convenit.

Verba mihi data esse video. *Tyn.* Quid cessatis
compedes

Currere ad me, meaque amplecti crura, ut vos cu-
stodiam?

Heg. Satin' me illi hodie scelesti Capti ceperunt dolo?

450. Illic servom se assimulabat, hic sese autem liberum.
Nucleum amisi: reliquit pigneri putamina.

Ita mihi stolido sursum vorsum os sublevere offuciis.
Hic quidem me nunquam irridebit. Colaphe, Cor-
dalio, Corax,

Itē Isthinc, atque efferte lora. *Lor.* tum lignatum mittimur.

Ibidem Scen. V.

EADEM PERSONAE.

Iniicite huic actutum manicas mastigiae.

Tyn. Quid hoc est negoti? quid ego deliqui? *Heg.*
Rogas?

Sator sartorque scelerum, et messor maxume.

Tynd. non occatorem dicere audebas prius? Nam sem-
per occant priusquam sarriant rustici.

At ut confidenter mihi contra astitit?

460. *Tyn.* Decet innocentem servom atque innoxium
Confidentem esse suum apud herum potissimum.

Heg. Astringite isti, sultis, vehementer manus,
Tyn. Tuus sum; tuas quidem vel praecidi iube.

Sed quid negoti est? quamobrem succenses mihi?

Heg. Quia me meamque rem, quod in te uno fuit,
 Tuis scelestis falsidicis fallaciis.

Delaceravisti, deartuavistique opes.

Confecisti omnes res ac rationes meas.

Ita mihi exemisti Philocratem fallaciis,

470. Illum esse servom credidi, te liberum,

Ita vosmet aiebatis: itaque nomina

Inter vos permutastis. *Tyn.* Fateor omnia

Facta esse, ut tu dieis, et fallaciis

Abiisse eum abs te meā operā atque astutiā.

Heg. At cum cruciatu maxumo id factum est tuo.

Tyn. Dum ne oī malefacta peream, parvi id aestumo.

Si ego hic peribo, ac ille, ut dixit, non redit,

At erit mihi factum hoc mortuo memorabile,

Meum herum captivum ex servitute atque hostibus

480. Reducem fecisse liberum in patriam ad patrem,

Meumque me potius caput in periculo

Praeoptavisce, quām is periret, ponere.

Heg. Facito ergo ut Acherunti clueas gloriā,

Tyn. Qui per virtutem perbitat, non interit.

Heg. Quando ego te exemplis excruciauero pessumis,

Atque ob sutelas tuas te morti misero,

Vel te interisse, vel perisse praedicent,

Dum pereas, nihil interduo, dicant vivere.

Tyn. Pol si istuc taxis, haud sine poenā feceris,

490. Si ille huc redibit? sicut confido affore.

Arist. Pro Dii immortales! nunc ego teneo, nunc scio

Quid sit hoc negoti. Meus sodalis Philocrates.

In libertate est ad patrem, in patriā. Bene est:

Nec est quisquam mihi, aequē melius quoi velim.

Sed hoc mihi aegre 'st, me huic dedisce operam
malam,

Qui nunc propter me, meaque verba vincitus est.

Heg. Vetus te quicquam hodie mihi falsum loqui?

Tyn. Vetus. *Heg.* Cur es ausus mentiri mihi?

Tyn. Quia vera obessent illi, quo operam dabam:

500. *Nunc* falsa prosunt. *Heg.* At tibi oberunt. *Tyn.*
Optume est.

At herum servavi quem servatum gaudeo,

Quo me custodem addiderat herus maior meus.

Sed male ne id arbitrare factum? *Heg.* Pessime.

Tyn. At ego aio recte, qui abs te seorsum sentio.

Nam cogitato, si quis hoc gnato tuo

Tuus servos faxit, qualem haberet gratiam?

Emitteresne, necne, eum servum manu?

Essetne apud te is servus acceptissimus?

Responde. *Heg.* Opinor. *Tyn.* Cur ergo iratus mihi es?

510. *Heg.* Quia illi fuisti, quam mihi fidelior.

Tyn. Quid? tu unâ nocte postulavisti, et die,

Recens captum hominem nuperum, et novitium,

Te perdocere, ut melius consulerem tibi,

Quam illi, quicum unâ a puero aetatem exegeram?

Heg. Ergo ab eo petito gratiam istam. Ducite,

Ubi ponderosas, crassas capiat compedes.

Inde ibis porro in latomias lapidarias,

Ibi quom octonos alii lapides effoderint,

Nisi cotidianus sesqui-opus confeceris,

520. Sexcentoplago nomen indetur tibi.

Arist. Per Deos, atque homines ego te obtestor, Hegio.

Ne ut istunc hominem perduis. *Heg.* Curabitur,

Nam noctu nervo vinctus custodibitur?

Interdiu sub terra lapides eximet,

Diu ego hunc cruciabo: non uno absolvam die:
 Abducite istum actutum ad Hyppolytum fabrum:
 Jubete huic crassas compedes impingier:
 Inde extrà portam ad meum libertum Cordalum.
 In lapicidinas facite deductus siet:

530. Atque hunc ita me velle, dicite, curarier,
 Ne qui deterius huic sit, quam quo pessume est.
Tyn. Vale, atque salve; etsi, aliter ut dicam; meres.
 Tu, Aristophontes, de me ut mernisti, ita vale:
 Namque mihi propter te hoc obtigit. *Heg.* Abducite.
Tyn. At unum hoc quaeso, si huc rebitet Philocrates,
 Ut mihi ejus facias conveniundi copiam.
Heg. Periistis, nisi hunc jam e conspectu abducitis.
Tyn. Vis haec quidem hercle est, et trahi, et trudi
 simul.
Heg. Ilic est abductus, recta in phylaeam, ut dignus
 est.

540. Ego illis capteiveis aliis documentum dabo,
 Ne tale quisquam facinus incipere audeat.
 Satis sum semel deceptus. Speravi miser
 Ex servitate me emisse filium.
 Ea spes elapsa est, perdidit unum filium
 Puerum quadriprimum, quem mihi servos surpuit.
 Neque enim servom umquam repperi, neque filium.
 Major potitus hostium est, quod hoc est scelus
 Quasi in orbitatem liberos produxerim?
 Sequere hac: reducam te ubi fuisti. Nemini
 550. Misereri certum est, quia mei miseret neminem.
Arist. Exauspicavi ex vinculis, nunc intellego
 Redauspicandum esse in catenas denuo.
-

Act. IV. Scen. I.

ERGASILUS.

Jupiter supreme, servas me, measque auges opes:
 Nunc cursum ad senem capessam hunc Hegionem, quo*i*
 boni
 Tantum affero, quantum ipse a Diis optat, atque etiam
 amplius.

Ibid. Scen. II. v. 50.

HEGIO, ERGASILUS.

Erg. Heus, ubi estis vos? ecquis hoc aperit ostium?
 Aperite hasce ambas fores,
 Prinsquam pultando vel assulatim foribus exitium affero.
 Heg. Perlubet hunc hominem colloqui. Ergasile. Erg.
 Ergasilum qui vocat?
 Heg. Respice ad me. Hegio sum. Erg. O mihi!
 560. Quantum est, hominum optumorum optume, in tem-
 pore advenis.
 Cedo manum. Heg. Manum? Erg. Manum, inquam:
 cedo tuam actutum. Heg. Tene. Erg. Gaude.
 Heg. Quid ego gaudeam? Erg. Quia ego impero: age:
 gaudeo modo.
 Heg. Pol moerores mi antevortunt gaudiis. Erg. Noli
 irascier:
 Jam ego ex corpore exigam omnes maculas moerorum tibi,
 Gaude audacter. Heg. Gaudeo, etsi nihil scio, quod
 gaudes m. Erg. Bene facis.
 Vin' te faciam fortunatum? Heg. Malim, quam mis-
 rum quidem.

Erg. Cedo manum? *Heg.* Hem manum. *Erg.* Di te omnes adiuvant. *Heg.* Nihil sentio.

Erg. Nunc hanc laetitiam accipe a me, quam fero; nam filium

Tuum modo in porta Philopoleum vivom, salvom,
et sospitem

570. Vidi in publica celoce, ibidemque illum adolescentulum
Alium una, et tuum Stalagmum servom, qui aufugit domo,

Qui tibi surripuit quadrimum puerum filiolum tuum.

Heg. I in malam rem: ludis me. *Erg.* Ita me amabit sancta saturitas,

Hegio, ut ego vidi. *Heg.* Meum gnatum? *Erg.* Et tuum gnatum, et genium meum.

Heg. Et capteivum illum Alidensem? *Erg.* Νὰ τὸν Απολλω. *Heg.* Et servolum

Meum Stalagmum? meum qui gnatum surripuit? *Erg.* Venit.

Heg. Vide, sis: dic: bonâ' fide tu mihi isthaec dististi? *Erg.* Bonâ.

Heg. Di immortales! iterum natus videor, si vera autumas.

Erg. Postremo, Hegio si parva jurijurando est fides,
580. Vise ad portum. *Heg.* Facere certum est. Tu intus cura, quod opus est.

Sume: posce: prome, quid vis: te facio cellarium.

Aeternum tibi dapinabo victum, si vera autumas.

Erg. Di immortales, mihi rem summam credit cibariam,

Act. V. Scen. I.

*HEGIO, PHILOPOLEMUS, PHILOCRATES,
STALAGMUS.*

Heg. Jovi Diisque ago gratias merito magnas;
Quom te reducem tuo patri reddiderunt;
Quomque ex miseriis plurimis me exemerunt,
Quomque hunc (Stalagmum) conspicio in potestate
nostrâ;

Quomque haec reperta est fides firma nobis.

Satis jam dolui ex animo, et curâ me satis,

590. Et lacrimis maceravi. *Philop.* Oh! satis jam audivi
Tuas aerumnas, ad portum mihi quas memorasti,
Phi. Hoc agamus. *Phi.* Quid nunc quoniam tecum servavi
fidem,

Tibique hunc reducem in libertatem feci? *Heg.* Fecisti,
ut tibi

Philocrates, numquam referre gratiam possim satis,
Proinde ut tu promeritus de me et filio meo. *Phi.*

Imo potes,

Pater, et poteris: et ego potero; et Di eam potestatem
dabunt,

Ut beneficium benemerenti nostro merito muneres.

Heg. Quid opu' est? lingua nulla est, quâ negem,
quicquid roges.

Phi. Postulo abs te, ut mihi illum reddas serovm,
 quem hic reliqueram

600. Pignus pro me, qui mihi melior, quam sibi semper
fuit:

Pro benefactis ejus uti ei pretium possim reddere,

Heg. Quòd benefecisti, referetur gratia, id quod po-
stulas,

Et id, et aliud quod me orabis, impetrabis: atque te
Nolim succensere, quod ego iratus ei seci male.

Phi. Quid fecisti? *Heg.* In lapicidinas compeditum
condidi,

Ubi rescivi mihi data esse verba. *Phi.* Vae misero
mihi!

Propter meum caput labores homini evenisse optimo.

Heg. At ob eam rem mihi libellam pro eo argenti ne
duis.

Gratis a me, ut sit liber, abducito. *Phi.* Aedepol,
Hegio.

610. *Facis* benigne: sed, quaeso, hominem ut jubeas ar-
cessi. *Heg.* Licet.

Ubi estis vos? Ite actutum, Tyndarum huc arcessite.

Vos ite intro. Interibi ego ex hac statuâ verbereâ volo
Erogitare, meo minore quid sit factum filio.

Vos lavate interibi. *Philop.* Sequere hac, Philocrates,
me intro. *Phi.* Sequor.

Ibidem Scen. II.

HEGIO, STALAGMUS.

Heg. Age tu illuc procede, bone vir, lepidum mancu-
pium meum.

Propemodum ubi loci fortunae tuae sint, facile intel-
legis.

Si eris verax, tuâ ex re facies, ex malâ meliusculam.

Recta, et vera loquere: sed neque vere, neque recte
adhuc fecisti umquam.

Sta. Pauca effugiam scio: nam multa evenient, et me-
rito meo;

620. Quia et fugi, et tibi subripui filium, et eum vendidi.

Heg. Quoi homini? *Sta.* Theodoromedi in Alide Polyplusio

Sex minis. *Heg.* Proh Di immortales! is quidem huius est pater

Philocratis. *Sta.* Quin melius novi quam te, et vidi saepius.

Heg. Serva, Iupiter supreme, et me, et meum gnatum mihi. Philocrates, per tuum te genium obsecro, exi: te volo.

Ibidem Scen. III.

PHILOCRATES, HEGIO, STALAGMUS.

Phi. Hegio, assum: si quid me vis, impera. *Heg.* Hic gnatum meum

Tuo patri ait se vendidisse sex minis in Alide.

Phi. Quamdiu id factum est? *Sta.* Hic annus incipit vicesimus. tibi quadrimnum

Phil. falsa memorat, *Sta.* aut ego, aut tu, nam

630. Tuus pater peculiarem parvulum puerο dedit.

Phi. Quod erat ei nomen? si vera dicis, memoria dum mihi.

Sta. Paegnium vocitatu'st: post vos indidistis Tyndaro.

Phi. Cur ego te non novi? *Sta.* Quia mos est oblivisci hominibus,

Neque novisse, cuius nihil sit facienda gratia.

Phi. Dic mihi: isne istic fuit, quem vendidisti meo patri, Qui mihi peculiaris datus est? *Sta.* istic, huius filius.

Heg. Vivitne is homo? *Sta.* Argentum accepi nihil curavi caeterum.

Heg. Quid tu ais? *Phi.* Quin istic ipsu'st Tyndarus tuus filius,

Ut quidem hic argumenta loquitur. Nam is mecum a puerο puer

640. Bene pudiceque educatu'st usque ad adulescentiam.

Heg. Et miser sum, et fortunatus, si vos vera dicitis.

Eo miser sum, quia male illi feci, si gnatus meu'st.

Eheu, cur ego plus minusque feci quam aequom fuit!

Quod male feci, crucior modo: si infectum fieri posset!

Sed eccum, incedit huc ornatus haud ex suis virtutibus.

Ibid. Scen. IV.

*TYNDARUS, catenatus et maceratus, HEGIO,
PHILOCRATES, STALAGMUS.*

Tyn. Vidi ego multa saepe picta, quae Acherunti fierent Crucimenti. Verum enim verò nulla adaeque est Acherruns,

Atque ubi ego fui, in lapicidinis. illic ibi demum est locus.

Ubi labore lassitudo'st omnis exigunda corpore.

650. Nam ubi illò adveni, quasi patriciis pueris, aut Monedulae,

Aut anates, aut coturnices dantur, quicum insitent.

Itidem hæc mihi advenienti upupa, qui me delectem, data'st.

Sed herus, eccum ante ostium, et herus alter eccum ex Alide

Rediit. Aeg. Salve, exoptate gnate mi. *Tyn.* Hem quid, gnate mi?

Atat, scio cur te patrem assimiles esse, et me filium. Quia mihi, item ut parentes lucis das tuendae copiam.

Phi. Salve Tyndare. *Tyn.* Et tu, quojus caussâ hanc aerumnam exigo.

Phi. At nunc liber in divitias faxo venies: nam tibi Pater hic est: hic fur est tuus, qui parvom hinc te abstulit, et

660. Vendidit patri meo te sex minis. Is te mihi
Parvolum peculiarem parvolo puerō dedit.

Illic indicium fecit: nam hunc ex Alide huc reducimus.

Tyn. Quid, hujus filium? *Phi.* Intus ecum fratrem germanum tuum.

Tyn. Quid tu ais? Adduxin' illum hujus capteivum filium?

Phi. Quin, inquam, intus hic est: et hic fur est tuus, qui te hue quadrimum surpuit.

Tyn. Ego aedepol huic meritam mercedem dabo. *Heg.*
Gnate mi,

Eamus intrò, et accersatur faber, ut istas compedes
Tibi adimam, huic dem. Me miserum, et fortunatum!

Phi. Spectatores, qui pudicitiae esse voltis praemium,
plausum date.

EX MOSTELLARIA.

DRAMATIS PERSONÆ

TRANIO,	}	Servi.	
GRUMIO,			
PHILOLACHES,	Theuropidis filius.		
THEUROPIDES,	Philolachetis pater.		
SIMO,	senex.		
CALLIDAMATES,	}	Philolachetis amici.	
PHILEMATIUS,			
DELPHIUS,			
MISARGYRIDES,	Danista.		
PHANISCUS,	Callidamatis servus.		
SERVUS,	alius.		

Act. I. Sc. I.

GRUMIO, TRANIO.

Gr. Exi e culinâ, sis, foras, mastigia,
Qui mihi inter patinas exhibes argutias.
Egredere herilis pernicies ex aedibus.

Ego pol te ruri, si vivam, ulciscar probe,
Exi, inquam, nidor, e culinâ: quid lates?

Tr. Quod tibi, malum, hîc ante aedis clamatio 'st,
An ruri censes te esse? abscede ab aedibus:

Abi ius, abi dierecte: abscede ab ianuâ.

Hem, hoccine volebas? Gr. Perii: cur me verberas?

10. Tr. Quia tu vis. Gr. Patiar: sine modò adveniat senex.
Sine modò venire salvom, quem absentem comes.

Tr. Nec verisimile loquere, nec verum, fratre,
Comesse quemquam ut quisquam absentem possiet.

Gr. Tu urbanus verò scurra, deliciae populi.

Rus mihi tu obiectas? sane credo, Tranio,
Quod te in pistrinum scis actutum tradier,
Cis, hercle, paucas tempestates, Tranio,
Augebis ruri numerò, genus ferratile.

Nunc dum tibi lubet, licetque, pota: perde rem:

20. Conrumpe herilem filium, adulescentem optumum:
Dies noctesque bibite: pergraecamini:

Pascite parasitos: obsonate pollucibiliter.

Haeccine mandacit tibi, cum peregrè hinc iit, senex?

Hoccine modo hic rem curatam offendet suam,

Hoccine boni esse officium servi existumas?

Ut heri sui conrumpat, et rem, et filium?

Nam ego illum corruptum duco, quom his factis
studet:

Quo nemo adaeque iuventute ex omni Atticâ,

Ante hac est habitus parcus, nec magis continens:

30. Is nunc in aliam partem palmam possidet.

Virtute id factum tuâ, et magisterio tuo.

Tr. Quid tibi, malum, me, aut quid ego agam, cu-
ratio'st?

An ruri, quaeso, non sunt, quos cures, boves?

Lubet potare, obsonare, pergraecari:

Mei tergi facio hoc, non tui fiduciâ.

Gr. Quàm confidenter loquitur? fue. *Tr.* At te
Iupiter,

Diique omnes perdant, obolnisti allium,

Germana inlувies, rusticus, hircus, hara suis.

Canis capro commista. *Gr.* Quid tu vis fieri:

40. Non omnes possunt olere unguenta exotica,
Si tu oles: neque superior accumbere:

Neque tam facetis, quam tu vivis, victibus:
 Tu tibi istos habeas turtures, pisceis, aveis:
 Sine me alliatum fungi fortunas meas,
 Tu fortunatus, ego miser: patiunda sunt.
 Meum bonum me, te tuum maneat malum.
Tr. Quasi invidere mihi hoc videre, Grumio:
 Quia mihi bene est, et tibi male est: dignissimum est.
 Decet me amare, et te bubulcitarier:

50. Me vicitare pulchre; te, miseris modis.

Gr. O carnificum cribrum, quod credo fore:
 Ita te forabunt patibulatum per vias
 Stimulis si huc reveniat senex.

Tr. Quis scis, an tibi istuc prius eveniat, quam mihi?
Gr. Quia numquam merui: tu meruisti, et nunc
 meres.

Tr. Orationis operam compendi face;
 Nisi te malâ re magnâ maclari cupis.

Gr. Ervom daturin' estis, bubus quod feram?
 Date aes, si non estis: agite porro, pergitte

60. Quomodo occoepistis, bibite, pergraeccamini:

Este, effercite vos: saginam caedite,

Tr. Tace, atque rus abi: ego ire in Piraeum volo,
 In vesperum parare piscatum mihi.

Ervom tibi aliquis cras faxo ad villam afferat.

Quid est? quid tu me nunc obtuere, surciser?

Gr. Pol tibi istuc credo nomen actutum fore.

Tr. Dum interea sic sit, istuc actutum sino.

Gr. Ita'st: sed unum hoc scito, nimiò celerius

Venire quod molestum est, quam id, quod cupidè petas.

70. *Tr.* Molestus ne sis: nunc iam i rus: teque amove,
 Ne tu erres: praeterhac mihi non facies moram.

Gr. Satin' abiit, neque, quod dixi, flocci existumat?
 Proh! Dii immortales; obsecro vostram fidem:

Facite, huc ut redeat noster quamprimum senex:
Triennum qui iam hinc abest, priusquam omnia
Periere, et aedeis, et ager: qui nisi huc redit,
Paucorum mensium sunt relictae reliquiae.
Nunc rus abibo: nam herilem filium
Video corruptum hic ex adulescente optumo.

*Ibid. Scen. II.**PHIOLACHES adolescens.*

80. Recordatus multum, et diu cogitavi,
Argumentaque multa in pectus multa institui
Ego, atque in meo corde, si est quod mihi cor,
Eam rem volutavi, et diu disputavi,
Hominem quoius rei, quando natus est,
Similem esse arbitrarer, simulacrumque habere.
Id repperi iam exemplum.
Novarum aedium esse arbitror similem ego hominem,
Quando hic natus est; ei rei argumenta dicam,
Atque hoc haud videtur verisimile vobis.
90. At ego id faciam esse ita, ut credatis.
Profecto ita esse, ut praedico, vero vincam.
Atque hoc vosmet ipsi, scio,
Perinde uti nunc ego esse autum, quando
Dicta audietis mea, haud aliter id dicetis:
Auscultate, argumenta dum dico ad hanc rem.
Simul gnarures vos volo esse ad hanc rem mecum.
Aedis cum exemplò sunt paratae, expositae,
Factae probe, examussim;
Landant fabrum, atque aedeis probant: sibi quisque
100. Inde exemplum expetunt: sibi quisque simile,
Suo usque sumtu: operae ne parcunt suae.

Atque ubi illò immigrat nequam homo, indiligensque
 Cum pigrâ familiâ, immundus, instrenuus,
 Hic iam aedibus vitium additur ,
 Bonae quom curantur male,
 Atque illud saepe fit, tempestas venit,
 Confringit tegulas, imbricesque: ibi
 Dominus indiligens reddere alias nevolt.
 Venit imber: lavit parietes: perplnunt

110. Tigna: putrefacit aer operam fabri:
 Nequior iam factus est usus aedium;
 Atque hand fabri culpâ: sed magna pars hominum
 Moram hanc induxerunt, si quid nummo sarciri potest,
 Usque mantant, neque id faciunt, donicum,
 Parietes ruunt: aedificantur aedis totae denuò.
 Haec argumenta ego aedificiis dixi: nunc etiam volo
 Dicere, ut homines aedium esse similes arbitremini.
 Primum parentes, natis liberis, illorum institutionis
 Fundamentum substruunt: parant sedulò in firmitatem,
120. Ut et in usum boni, et in speciem populo
 Sint: sibique aut materiae nec parcunt,
 Nec sumtus sibi sumtui esse ducunt.
 Expoliunt, docent literas, iura, et leges:
 Sumtu suo et labore nituntar, ut
 Alii sibi esse illorum simileis expetant.
 Ad legionem quom itant, adminiculum eis danunt
 Tum Jam aliquem cognatum suum.
 Eatenus abeunt a fabris.
 Unum ubi emeritum est stipendum, igitur tum
130. Specimen cernitur, quo eveniat aedificatio.
 Nam ego ad illud frugi usque et probus fui,
 In fabrorum potestate dum fui.
 Posteaquam immigravi in ingenium meum,
 Perdidi operam fabrorum illicò oppidò.

- Venit ignavia: ea mihi tempestas fuit:
 Ea mihi adventu suo grandinem: imbreisque attulit:
 Haec verecundiam mihi, et virtutis modum
 Deturbauit, detexitque me illico,
 Post illa me obtigere neglegens fui;
140. Continuo pro imbre amor advenit in cor meum,
 Haec usque in pectus permanavit, permadefecit
 Cor meum: nunc simul res, fides, fama, virtus,
 Decusque deseruerunt: ego sum in usu
 Factus nimio nequior: atque aedepol ita
 Haec tigna humide putrent: non videor mihi
 Sarcire posse aedeis meas, quin totae
 Perpetuae ruant; quin cum fundamento
 Perierint; nec quisquam esse auxilio queat.
 Cor dolet, quom scio, ut nunc sum, atque ut fui:
150. Quo neque industrior de inventute erat,
 Arte gymnasticâ, disco, hastis, pilâ,
 Cursu, armis, eqno: victitabam volupe:
 Parsimoniâ, et duritiâ disciplinae aliis eram.
 Optumi quique expetebant a me doctrinam sibi.
 Nunc postquam nihil sum, id verò meopte ingenio
 reperi.

Ibid. Scen. IV.

CALLIDAMATES DELPHIUS, PHILOLACHES,
Convivae, et Pueri.

- Ca.* Advorsum veniri mihi ad Philolachem
 Volo tempori, andite, hem, vobis imperatum est.
 Nam illi ubi fui, inde effugi foras,
 Ita me ibi male convivii, sermonisque
 160. Pertaesum est. Nunc commissatum ibo ad Philolachem

Ubi nos hilari ingenio, et lepidè accipiet.

Duce, me, Delphi, amabo. De. Cave ne cadas: asta.

Ca. Oh, ohoho! De. Cave modo ne in viâ accumbas.

Ca. Sine cadere me. De. Sino, madet homo. Ca. Tun' me ais madere?

De. Cedo manum: nolo equidem te affligi.

Ca. Hem, tene: age: i simul: quò ego eam, an seis?

De. Scio, in mentem venit modo. Ca. Nempe domum eo

**Comissatum. De. Imo Ca. Illuc quidem iam memini.
ecquis hic est?**

**Phil. Adest, Ca. Eu Philolaches, salue, amicissime
170. Mihi hominum omnium. Phil. Dii te ament: accuba**

Callidamates: unde agis te? Ca. Unde homo ebrius.

**Phil. Probe, quin, amabo, accubas. Ca. Dormiam ego
iam.**

**De. Sic sine eum quiescere. Phil. Age (tu puer.)
Interim da ab Delphio citò cantharum circum.**

Act. II. Scen. I.

TRANIO, PHILOLACHES. CALLIDAMATES.

DELPHIVS, PHILEMATIVS,

Coniuiae alii.

**Tr. Iupiter supremus summis opibus, atque industriis
Me perisse, et Philolachetem cupit herilem filium.**

**Occidit spes nostra: nusquam stabulum est confidentiae:
Nec salus nobis saluti iam esse, si cupiat, potest;**

**Ita mali moeroris montem maximum ad portum modo
180. Conspicatus sum; herus advenit peregrè: periit
Tranio.**

**Ecquis homo est, qui facere argenti cupiat aliquantum
lucri,**

Qui hodie sese excruciali meam vicem possit pati?
Ego dabo ei talentum, primus qui in crucem ex-
eucurrerit.

Sed eā lege, ut affigantur bis pedes, bis brachia.

Ubi erit factum, a me argentum petito praesentarium.
Sed ego sumne ille infelix, qui non curro curriculo
domum?

Phil. Adest obsonium. Eccum Tranionem, a portu
redit.

Tr. Philolaehes. *Phil.* Quid est? *Tr.* et Ego et tu.

Phil. Quid et ego et tu? *Tr.* Periimus,

190. *Phil.* Quid ita? *Tr.* Pater adest. *Phil.* Quid ego ex
te audio? *Tr.* Absunti sumus,

Pater, inquam, tuus venit. *Phil.* Ubi est is, obsecro
te? *Tr.* Adest.

Phil. Quis id ait? quis vidit? *Tr.* Egomet vidi.

Phil. Vae mihi!

Quid ego ago? *Tr.* Nam quid tu, malum, me rogitas,
quid agas? accusas.

Phil. Tun' vidisti? *Tr.* Egomet, inquam. *Phil.* Certè?

Tr. Certè, inquam *Phil.* Occidi,

Si tu vera memoras. *Tr.* Quid mihi sit boni, si
mentiar?

Phil. Quid ego nunc faciam? *Tr.* Iube haec hinc
omnia amolirier.

Quis istic dormit? *Phil.* Callidamates. *Tr.* Suscitata
istum.

De. Callidamates, Callidamates, vigila. *Ca.* Vigilo, cedo
ut bibam.

200. *De.* Vigila, pater advenit peregrè Philolachae. *Ca.*
Valeat pater.

Phil. Valet equidem, atque ego disperii. *Ca.* Dispe-
risti? qui potest?

Phil. Quaeso aedepol exurge: pater advenit. *Ca.*
Tuus venit pater?

Iube abire rursum: quid illi redditio huc etiam fuit?

Phil. Quid ego agam? Pater iam hic me offendet
miserum adveniens ebrium,

Aedeis plenas convivarum, et mulierum. Miserrum est opus
Igitur, demum fodere puteum, ubi satis fauceis tenet.
Sicut ego adventu patris nunc quaero, quid faciam
miser?

Tr. Ecce autem hic depositivit caput, et dormit: suscita.

Phil. Etiam vigilas? pater, inquam, aderit iam hic
meus. *Ca.* Ain tu, pater?

210. *Cedo* scleas mihi, ut arma capiam: iam pol ego occi-
dam patrem,

Phil. Perdis rem; tace, amabo: abripite hunc intrò
actutum inter manus:

Perii. *Tr.* Habe bonum animum: ego, istum lepidè,
medicabor metum.

Phil. Nullus sum. *Tr.* Taceas: ego, qui istaec sedem
meditabor tibi.

Satin' habes, si advenientem ego ita patrem faciam tuum,
Non modo ne introeat, verum etiam ut fugiat longè
ab aedibus?

Vos modò hinc abite intrò? atque haec hinc propere
amolimini.

Phil. Ubi ego ero? *Tr.* Ubi maxumè esse vis, cum
hoc, et cum istoc eris.

De. Quid est igitur? abeamus hinc nos? *Tr.* Non hoc
longe, o Delphi:

Namque intus potate, haud tantillo hâc quidem caussâ
minus.

220. *Phil.* Hei mihi, quam istaec blanda dicta, quo eveni-
ant mædeo metu!

Tr. Potin' animo ut sies quieto, et facias quod iubeo
Phil. Pote'st.

Tr. Omniam primum tu intro abi, et tu, et, tu.

De. Morigeri tibi erimus ambo. *Tr.* Ita ille faxit Iupiter.
 Animam advoce nunc tu iam, quae volo accurarier.

Omniam primum dum aedis iam fac occlusae sient.
 Intus cave mutire quenquam siveris. *Phil.* Curabitur.

Tr. Tamquam si intus natus nemo in aedibus habitet.

Phil. Licet.

Tr. Neu quisquam responset; quando hasce aedeis pul-
 tabit senex.

Phil. Numquid aliud? *Tr.* Clavem mihi harumce aedi-
 um Laconicam

230. Iam iube efferri intus: hasce ego aedeis occludam
 hinc foris.

Phil. In tuam custodiam me, et meas spes trado,
 Tranio.

Tr. Plumâ haud interest, patronus an Cliens propior siet.
 Homini, quo nullus in pectore 'st audacia.

Verum id videndum'st; id viri docti est opus,
 Profecto ut liqueant omnia, et tranquilla sint:

Neque quicquam nobis pariant ex se incommodi.
 Sed quid tute egrederis? perii: iam optumè

Praeceptis paruisti? *Puer.* Herus iussit maxumo
 Opere orare; ut patrem aliquo absterres modo,

240. Ne introiret: adest. *Tr.* Quin etiam illi hoc dicio,
 Facturum me, ut ne etiam adspicere aedeis audeat:
 Capite obvoluto ut fugiat cum summo metu.

Clavim cedo: atque abi hinc intrò: atque occlude
ostium:

Et ego hinc occludam. Iube venire nunc iam.

Ludos ego hodie vivo praesenti hic seni

Faciam, quod credo mortuo numquam fore.

Concedam a foribus huc: hinc speculabor procul,
Unde advenienti sarcinam imponam seni.

*Ibidem. Scen. II.**THEUROPIDES, TRANIO.*

Th. Habeo, Neptune, gratiam magnam tibi,
250. Quom me amisisti a te vix vivom modò,
Verum si posthac me pedem latum modò,
Scies imposisse in undam; haud caussa illico'st,
Quod nunc voluisti facere, quin facias mihi.

Apage, apage te a me, nunc iam post hunc diem
Quod creditur tibi fui, omne credidi?

Tr. Aedepol, Neptune, peccavisti largiter,
Qui occasionem hanc amisisti tam bonam.

Th. Triennio post Aegypto advenio domum,
Credo expectatus veniam familiaribus.

260. *Tr.* Nimiò aedepol ille potuit expectatio
Venire, qui te nunciaret mortuum

Th. Sed quid hoc, occlusa ianua est interdiu?

Pultabo. Heus, ecquis istas aperit mì foris?

Tr. Quis homo est, qui nostras aedes accessit prope?

Th. Meus servos quidem'st Tranio. *Tr.* O. Theeuropides
Here, salve, salvom te advenisse gandeo.

Usque ne valuisti? *Th.* Usque, ut vides. *Tr.* Factum
optumè.

Th. Quid vos? insani ne estis? *Tr.* Quidum? *Th.*
Sic quia

Foris ambulatis, natus nemo in aedibus

270. *Servat,* neque qui recludat, neque qui respondeat?
Pultando pedibus penè confregi hasce ambas.

Tr. Eho, an tu tetigisti has aedis? *Th.* Cur non
tangerem?

Quin, pultando, inquam, penè confregi foris.

Tr. Tetigistin? *Th.* Tetigi, inquam, et pultavi. *Tr.*
Vah! *Th.* Quid est?

Tr. Male hercile factum. *Th.* Quid est negoti? *Tr.*
Non potest

Dici, quām indignum facinus fecisti, et malum.

Th. Quid iam? *Tr.* Euge, obsecro, atque abscede ab
aedibus.

Fuge hue, fuge ad me propius: tetigistin' fores?

Th. Quomodo pultare potui, si non tangerem?

280. *Tr.* Occidisti hercile. *Th.* Quem mortalem? *Tr.* omnes
tuos.

Th. Di te, Deaeque omnes perduint cum isto omine.

Tr. Metuo, te atque istos expiare ut possies.

Th. Quamobrem? aut quam subito rem mihi appertas
novam?

Tr. Ehens, iube illos, illinc, amabo abcedere.

Th. Abscedite. *Tr.* Aedes ne attingite; tangite
Vos quoque terram. *Th.* Obsecro, hercile, quin eloqu-
re iam.

Tr. Quia septem menses sunt, cum in hasce aedis
pedem

Nemo intrò tetulit, semel ut emigravimus.

Th. Eloquere quid ita? *Tr.* Circumspice dum, num-
qnis est

290. Sermonem nostrum qui aucupet? *Th.* Tutum probe est.
Tr. Circumspice etiam. *Th.* Nemo est.: loquere nunc iam.
Tr. Capitalis caedes facta est. *Th.* quidest? Non intellego.
Tr. Scelus, inquam, factum'st iam diu antiquom, et
vetus:

Antiquom id adeo nos nunc factum invenimus.

Th. Quid istuc est, scelest? aut quis id fecit? cedo.

Tr. Hospes necavit hospitem captum manu;

Iste, ut ego opinor, qui has tibi aedeis vendidit.

Th. Necavit? *Tr.* Aurumque ipsi ademit hospiti,
Eumque hic defodit hospitem ibidem in aedibus:

300. *Th.* Quapropter id vos factum suspicamini?

Tr. Ego dicam: ausulta, ut foris coenaverat
Tuus gnatus; postquam rediit a coenâ domum,
Abimis omnes cubitum: condormivimus.

Lucernam fortè oblitus fueram extinguere.

Atque ille exclamat drepentè maximum.

Th. Quis homo? an gnatus meus? *Tr.* st, tace: aus-
ulta modo:

Ait venisse illum in somnis ad se mortuum.

Th. Nempe ergo in somnis? *Tr.* Ita: sed ausculta-
modò:

Ait illum hoc pacto sibi dixisse mortuum.

310. *Th.* In somnis? *Tr.* Mirum quin vigilanti diceret,
Qui abhinc sexaginta annis occisus foret?

Interdum ineptè stultus es

Th. Taceo. *Tr.* Sed ecce quae ille inquit.

„Ego transmarinus hospes sum Diapontius:

„Hic habito: haec mihi dedita est habitatio:

„Nam me Acheruntem recipere Orcus noluit;

„Quia praematurè vitâ careo: per fidem

„Deceptus sum: hospes hic me necavit, isque me

„Defodit insepultum, clam ibidem in hiscc aedibus,

320. „Scelestus auri caussâ; nunc hinc emigra:

„Scelestae hae sunt aedes: impia est habitatio,”

Quae hic monstra fiunt, anno vix possum eloqui

St., *st Th.* Quid, obsecro hercle, factum est! *Tr.*

Concrepuit foris.

Hiccine percussit! *Th.* Guttam haud habeo sanguinis

Vivom me arcessunt ad Acheruntem mortui:

Tr. Perii: illisce hodie hanc conturbabunt fabulam.

Nimis quām formido, ne manifestò hic me opprimat.
Th. Quid tute tecum loquere? *Tr.* Abscede ab januā.
Fuge, obsecro, hercle! *Th.* Quò fugiam? etiam tu
fugis?

- 330.** *Tr.* Nihil ego formido: pax mihi est cum mortuis.
Th. Heu, Trario *Tr.* Non me appellabis, si sapis.
Nihil ego conmerui, neque istas percussi foris.
Th. Quaeso, quid aegre 'st? quae res te agitat, Tranio?
Quicunq; istaec loquere? *Tr.* An, quaeso, tu appella-
veras?
Ita me Dii amabunt, mortuum illum credidi
Expostulare, quia percussisses foris.
Sed tu etiamne astas, nec quae dico, obtemperas.
Th. Quid faciam? *Tr.* Cave respexis. Fuge, atque operi
caput.
Th. Cur non fugis tu? *Tr.* Pax mihi est cum mortuis.
340. *Th.* Scio: quid modo igitur? cur tantopere extimueras?
Tr. Nihil me curassis, inquam: ego mihi providero,
Tu, ut occepisti, tantum quantum quis, fugies,
Atque Herculem invocabis. *Th.* Hercules te invoco.
Tr. Ego, tibi hodie ut det, senex, magnum malum.
Pro Dii immortales, obsecro vostram fidem!
Quid ego hodie negotii confeci, malum?

Act. III. Scen. I.

DANISTA, THEUROPIDES, TRANIO.

- Da.* Scelestiorem ego annum argento foenor,
Numquam ullum vidi, quām hic mihi annus obtigit:
A mane ad noctem usque in foro dego diem:
350. Locare argenti nemini nummum queo.
Tr. Nunc pol ego perii plane in perpetuum modum.

Danista adest, qui dedit argentum soenori:
 Qui amica est emta, quoniam opus in summis fuit.
 Manifesta res est; nisi quod occurro prius;
 Ne hoc nunc senex resciscat: ibo haic obviam,
 Sed quidnam hic sese tam citò recipit domum?
 Metuo ne de hac re quippiam hic inaudiverit.

Accedam atque appellabo: heu, quam timeo miser!

Nihil est miserius, quam animus hominis conscientius,

360. Sicut me habet; verum ut ut res se habet

Pergam turbare porro: ita res postulat.

Da. Sed Philolachetis, ecce mihi servom Traniom,

Qui mihi neque soenus, neque sortem argenti dabant.

Th. Quò tu te agis? **Tr.** Nec quoquam abeo: nam
 ego sum miser,

Scelestus, natus diis inimicis omnibus.

Ita, et hinc, et illinc exhibent negotium:

Sed occupabo adire. **Da.** Hic ad me it, salvos sum?

Spes est de argento. **Tr.** Hilarus est frustra iste
 homo.

Salvere iubeo te, Mysargyrides, bene.

370. **Da.** Salve et tu. Quid de argento? **Tr.** Abi sis
 bellua.

Continuo adveniens pilum inieci mihi.

Da. Hic homo 'st inanis. **Tr.** Hic homo 'st certe
 hariolus.

Da. Quin tu istas mittis tricas? Ubi Philolaches est?

Tr. Numquam potuisti mihi

Magis opportunus advenire, quam advenis.

Da. Quid est? **Tr.** Concede huc. **Da.** Quin mihi ar-
 gentum redditur?

Tr. Scio te bonâ esse voce: ne clames nimis.

Da. Ego, hercle, vero clambo. **Tr.** Ah! gere morem mihi.

Da. Quid tibi ego morem vis geram? *Tr.* Abi, queso,
hinc domum.

Da. Abeam? *Tr.* Redito huc circiter meridie.

380. *Da.* Reddeturne igitur foenus? *Tr.* Reddetur: nunc abi.

Da. Quid ego huc recursem, aut operam sumam,
aut conteram;

Quid, si hic manebo potius ad meridiem?

Tr. Imo abi domum: verum hercle dico: abi modo,

Da. Quin vos mihi foenus date. Quid nugamini?

Tr. Eu, hercle nae tu abi modo: ausculta mihi.

Da. Iam hercle ego illunc nominabo hic. *Tr.* Enge,
strenue.

Beatus vero es nunc, cum clamas. *Da.* Meum peto.

Multos me hoc pacto jam dico frustramini.

Molestus si sum, reddite argentum: abiero.

390. Responsiones omnis hoc verbo eripite.

Tr. Sortem accipe. *Da.* Imo foenus id primum volo.

Tr. Quid, tu homo, hominum omnium teterrime,

Venisti huc extentatum? agas quod in manu est:

Non dat, non debet. *Da.* Non debet? *Tr.* Nec erit
quidem;

Ferre hoc potes? An mavis ut aliquo abeat foras?

Vrbem exul linquat factus hic causâ tui.

Quoi sortem vix dare licet? *Da.* Quin non peto.

Th. Eia, magistria, ad me redi. *Tr.* Iam istic ero.

Molestus ne sis: nemo dat: age quod lubet:

400. Tu solus, credo, foenore argentum das.

Da. Cedo foenus: redde foenus: foenus reddite:

Daturin' estis foenus actutum mihi?

Date mihi foenus. *Tr.* Foenus illuc, foenns hic.

Nescit quidem nisi foenus fabularier

Veterator. Neque ego tetrorem bellum

Vidisse me umquam quemquam, quam te censeo,

Da. Non aedepol nunc me istis verbis territas.

Th. Quod illud est foenus, obsecro, quod illic petit?

Tr. Pater, ecum, advenit peregrè non multò prius

410. Illius: is tibi et foenus, et sortem dabit,

Ne inconciliare quid nos porro postules.

Vide num moratur? *Da.* quin feram si quid datur.

Th. Quid ais tu? *Tr.* Quid vis? *Th.* Quid illic est?
quid illic petit?

Quid Philolachetem gnatum compellat meum

Sic, et praesenti tibi facit convicium?

Quid illi debetur? *Tr.* Obsecro hercle te, iube

Obiici argentum huic ob os impurae belluae.

Th. Iubeam? *Tr.* Iube homini argento os verberarier.

Da. Perfacile ego ictus perpetior argenteos.

420. *Th.* Quod illud argentum est? *Tr.* Huic debet Philolaches

Paullum. *Th.* Quantillum? *Tr.* Quasi quadraginta
minas.

Da. Ne sane id multum censeas? paullum id quidem
est.

Tr. Audin'? videturne, obsecro hercle, idoneus,

Danista qui sit? genus quod improbissimum est.

Th. Non ego istuc euro, qui sit, unde sit:

Illud volo mihi dici, id me scirè expecto;

Adeo etiam argenti foenus creditum audio.

Tr. Qualior quadraginta illi debentur minae.

Dic tu daturum, ut abeat. *Th.* Ego dicam, dare?

430. *Tr.* Dic. *Th.* Egone? *Tr.* Tu ipsus, dic modo, auctorita mihi:

Promitte: age, inquam: ego iubeo. *Tr.* Responde mihi

Quid eo est argento factum? *Tr.* Salvum est. *Th.*

Solvite

Vosmet igitur; si salvum est. *Tr.* Aedis filius

Tuus emit. *Th.* Aedis? *Tr.* Aedis. *Th.* Euge, Philolaches

Patrissat: iam homo in mercaturâ vortitur.

Ain' tu? aedis? *Tr.* Aedis inquam: sed scin' cuiusmodi?

Th. Qui scire possim? *Tr.* Vah! *Th.* Quid est? *Tr.* Ne me roga.

Th. Nam quid ita? *Tr.* Speculo claras: clarorem merum.

Th. Bene hercle factum: quid? eas quanti destinat?

440. *Tr.* Talentis magnis totidem, quot ego et tu sumus.

Sed arrhaboni has dedit quadraginta minas;

Hinc sunsit quas ei dedimus: satin' intelligis?

Nam postquam haecce aedes ita erant, ut dixi tibi,
Continuò est alias aedes mercatus sibi.

Th. Bene hercle factum. *Da.* Heus iam appetit meridies;

Tr. Absolve hunc, quaeso, vomitum, ne hic nos enecet.

Quatuor quadraginta illi debentur minae,

Et sors, et foenus. *Da.* Tantum est: nihilo plus peto.

Tr. Velim quidem hercle, ut uno nummo plus petas.

450. *Th.* Adolescens mecum rem habe. *Da.* Nempe abs te petam:

Th. Petito cras. *Da.* Abeo: sat habeo, si cras fero.

Tr. Malum quod isti Dii, Deaeque omnes duint?

Ita mea consilia paerturbat paenissime.

Nullum aedepol hodie genus est hominum tetrius,

Nec minus bono cum iure, quam Danisticum?

Th. Quā in regione istes aedis emit filius?

Tr. Ecce autem perii. De vicino hoc proxumo

Tuus emit aedis filius. *Th.* Bonā fide?

Tr. Si quidem es argentum redditurus, tum bonā

460. Si redditurus non es, non emit bonâ.

Th. Non in loco emit perbono has. *Tr.* Imo optumo.

Th. Cupio hercle inspicere has aedis: pulta dum foris.

Atque evocato aliquem intus ad te, Tranio.

Tr. Ecce autem nunc quid ego dicam nescio:

Iterum iam ad unum saxum me fluctus ferunt,

Quid nunc, non hercle, quid nunc faciam, reperio:

Manifesto teneor. *Th.* Evoca dum aliquem foras,

Qui circumducat. *Tr.* Hens tu! at hic sunt mulieres.

Videndum est primum, utrum eae velint, an non velint.

470. *Th.* Bonum, aequomque oras; percontare, et roga:

Ego hic tantisper, dum exis, te operiar foris.

Tr. Dii te, Deaque omnes funditus perdant, senex?

Ita mea consilia undique oppugnas mala.

Euge, optume: ecum Dominus aedium foras,

Simo progreditur ipsus.

Ibid. Scen. II. v. 28.

SIMO, THEUROPIDES, TRANIO.

Tr. Accedam. Dii te ament plurimum, Simo.

Si. Salvos sis, Tranio. *Tr.* Ut vales: *Si.* Non male.

Quid agis? *Tr.* Hominem optimum teneo. *Si.* Amice facis,

Quom me laudas. *Tr.* Decet certe. *Si.* hercle: At ego te

480. Haud bonum teneo servom. *Tr.* Quid ita vero Simo?

Si. Quid facitis vos? sed ut verum, Tranio, loquar,

Sic decet. Ut homines sunt, ita morem geras.

Vita quam sit brevis, simul cogita.

Tr. Quid? ehem, vix tandem

Percepi super his rebus nostris te loqui.

Si. Musicè, herclè, agitis aetatem, ita ut vos decet:

Vino, et victu, piscatu probe electili

Vitam colitis. *Tr.* Imo vita ea quidem antehac erat,

Nunc nobis omnia haec exciderunt,

490. *Si.* Quid dum? *Tr.* Ita oppido occidimus omnes, Simo.

Si. Non taces? Prosperè vobis cuncta usque adhuc

Processerunt. *Tr.* Ita, ut dicis, facta haud nego.

Nos profecto probe, ut voquimus, viximus.

Sed, Simo, ita nunc ventus navem nostram subito

Deseruit. *Si.* Quid est: quomodo, pessume,

Quae ne subducta erat tuto in terra?

Tr. Hei! *Si.* Quid est? *Tr.* Me miserum! occidi.

Si. Quid? *Tr.* Quia

Venit navis, nostrae navi quae frangat ratem.

Si. Velim ut vehes, Tranio: sed quid est negoti?

500. *Tr.* Eloquar: herus peregre venit. *Si.* Nunc tibi

Chorda tenditur: inde in ferriterium:

Postea in crucem rectâ. *Tr.* Nunc te ego per genua

Obsecro, ne indicium hero facias meo. *Si.* E me,

Ne quid metuas, nihil sciet. *Tr.* Patrone, salve.

Si. Nihil moror istinsmodi clientes.

Tr. Nunc hoc, quod ad te noster me misit senex.

Si. Hoc mihi responde primum, quod ego te rogo.

An de istis rebus vester quid sensit senex?

Tr. Nihil quicquam, *Si.* Numquid increpavit filium?

510. *Tr.* Tam liquidus est: quam liquida esse tempestas solet.

Nunc de hoc orare iussit opere maximo,

Ut sibi liceret inspicere has aedis tuas.

Si. Non sunt venales. *Tr.* Scio equidem istuc: sed
senex

Gynaeceum aedificare volt hic in suis.

Et balneas, et ambulacrum, et porticum.

Si. Quid ille consomniavit: *Tr.* Ego dicam tibi:
Dare volt uxorem filio quantum potest:

Ad eam rem facere volt gynaeceum novum.

Nam sibi laudasse hasce ait architectonem

520. Nescio quem, esse aedificatas has sane bene.

Nunc hinc exemplum capere volt: nisi tu nevis.

Si. Nae, illae malo quidem ab opere sibi exemplum petit;

Tr. Quia hic audivit esse aestatem perbonam:

Subdiu coli absque sole perpetuum diem.

Si. Imo aedepol vero, cum usquequaque est umbra,
tamen

Sol semper hic est, usque a mani ad vesperum,

Quasi flagitator astans usque ad ostium:

Nec mihi umbra usquam nisi in puteo, quaepiam est.

Molestus ne sis, haec sunt, sicut praedico.

530. *Tr.* Attamen inspicere volt. *Si.* Inspiciat, si lubet.

Si quid erit, quod illi placeat de exemplo meo,

Ipse redificato. *Tr.* Eon? voco huc hominem? *Si.*
Voca.

Tr. Alexandrum magnum, atque Agathoclem aiunt
maxumas

Duo res gessisse. Quid mihi fiet tertio,

Qui solus facio facinora immortalia?

Vehit hic clitellas, vehit hic autem alter senex:

Novitium mihi quaestum institui non malum:

Nam muliones mulos clitellarios

Habent; ego homines habeo clitellarios.

540. Magni sunt oneris, quicquid imponas, vehunt.

Nunc hanc hand scio an colloquar: congregiar.

Heus Theeuropides. *Th.* Quis nominat me?

Tr. Hero servos multum suo fidelis.

Quo me miseras, affero omne impetratum.

Th. Quid illic, ohsecro, tam diu restitisti?

Tr. Seni non otium erat; id sum opperitus.

Th. Antiquum hoc obtines tuum, tardus ut sis.

Tr. Heus tu, si voles verbum hoc cogitare,

Simul flare sorbereque haud facile

550. *Est:* ego hic esse, et illuc simul, haud potui.

Th. Quid nunc? *Tr.* Vise, specta tuo arbitratu.

Th. Age duc me. *Tr.* Num moror? *Th.* Subsequor te.

Tr. Senex ipse te ante ostium eccum operitur:

Sed moestus est sese hasce vendidisse.

Th. Quid tandem? *Tr.* Orat ut suadeam Philolacheti,

Ut istas remittat sibi. *Th.* Haud opinor.

Sibi quisque ruri metit; si male emtae

Essent, nobis istas redhibere haud liceret.

Lucri quicquid est, id domum trahere oportet.

560. Misericordias iam habere haud hominem oportet.

Tr. Morare hercle, cum verba facis: subsequere.

Th. Do tibi ego operam, *Tr.* Senex illic est, Hem! adduxi
tibi hominem.

Si Salvom te advenisse peregre gaudeo, Theeuropides.

Th. Dii te ament. *Si.* Inspicere hic aedis te has vel-
le aiebat mihi.

Th. Nisi tibi incommodum est. *Si.* Immo commodum:
i intrò, atque inspice.

Tr. At enim mulieres. *Si.* Cave, tu, ullam floccifacias
mulierem:

Quâlibet perambula aedis oppido tamquam tuas.

Th. Tamquam? *Th.* Ah cave, tu, illi obiectes nunc
in aegritudine,

Te has emisse: non tu vides hunc voltu ut tristi est
senex?

570. *Th.* Video *Tr.* Ergo inridere ne videare et gestire
admodum,

Noli facere mentionem te has emisse. *Th.* Intellego.
Et bene monitum duco, atque te existumo humano
 ingenio.

Quid nunc? *Si.* Quin tu is intro, atque otiose per-
 spectas, ut lubet.

Th. Bene benigneque arbitror te facere. *Si.* Factum
 edepol volo.

Tr. Viden' vestibulum ante aedis hoc? et ambula-
 crum, quoius modi?

Th. Luculentum, aedepol profecto. *Tr.* Age, specta,
 postes cuiusmodi

Quâ sunt firmitate facti, et quantâ crassitudine.

Th. Non videor vidisse postes pulchriores. *Si.* Pol mihi
 Eo pretio empti fuerant olim. *Tr.* Audin', Fuerant,
 dicere:

580. *Vix* videtur continere lacrumas. *Th.* Quanti hosce
 emeras?

Si. Treis minas pro istis duobus, praeter vecturam, dedi.

Th. Hercle quin multùm improiores sunt, quâ a
 primo credidi.

Tr. Quaproter? *Th.* Quia aedepol ambo ab infimo
 tarmes secat.

Tr. Intempestivos excisos credo, id eis vitium nocet.
 Atque etiam nunc satis boni sunt, si sint inducti pice.
 Non enim haec pulphagus opifex opera fecit barbarus.
Viden' coagmenta in foribus? *Th.* Video. *Tr.* Specta
 quam artè dormiunt.

Th. Dormiant? *Tr.* Illud quidem, ut connivent, volui
 dicere.

Satin' habes? *Th.* Ut quidque magis contemplor? tanto
 magis placet.

590. *Tr.* *Viden'* pictum, ubi ludificatur cornix una volturios
 duo.

Cornix astat, ea volturios duo vicissim vellicat.

Quaeso, luc, ad me specta, cornicem ut conspicere possies.

Iam vides? Th. Profecto nullam equidem illic cornicem intuor.

Tr. At tu isto ad vos obtuere, quoniam cornicem nequis Conspicari, si volturios forte possis contui.

Th. Omnino, ut te absolvam, nullam pictam conspicio hic avein,

Tr. Age, jam mitto, ignosco: aetate nou quis obtuerier.

Th. Haec, quae possum, ea mihi profecto cuncta vehementer placent.

Si. Latius deum est operae pretium ivisse. Th. Recte aedepol mones.

600. Si. Echo istum, puer, circumduce hasce aedis, et conclavia.

Nam egomet ductarem, nisi mihi esset ad forum negotium.

Th. Ibo intro igitur. Tr. Mane, sis: videam, ne canis
Th. Agedum, vide.

Tr. Est. Th. Ubi canis est? Tr. Abi, dierecta'st: abin' hinc in malam crucem.

At etiam restas? st! abi istinc. Si. Nihil pericli est: age. Tam placida est, quam est aqua: vise: ire intro audacter licet.

Eo ego hinc ad forum. Th. Fecisti commode: bene ambula. Tranio, age, canem hanc a foribus abducas face Etsi non metuenda est. Tr. Quin tu illam aspice, ut placide accubat:

Nisi molestum vis videri te, atque ignavom. Th. Jam ut lubet.

610. Sequere hanc igitur. Tr. Evidem haud usquam a pe-
dibus abscedam tuis.

*Ibidem Scen. III.**TRANID, THEUROPIDES.*

Tr. Quid tibi visum est hoc mercimonii? *Th.* Totus gaudeo.

Tr. Num nimio emiae tibi videntur? *Th.* Numquam aedepol scio

Vidisse usquam abjectas aedis, nisi modo hasce. *Tr.* Ecquid placent?

Th. Ecquid placeant, me rogas? imo vero perplacent.

Tr. Cujusmodi gynaeceum? quid porticum? *Th.* Insanum, bonam.

Non equidem ullam in publico esse majorem hac existumo.

Tr. Qn in ego ipse, et Philolaches in publico omnes porticus

Sumus commensi. *Th.* Quid igitur? Longe omnium longissuma est.

Th. Dii immortales, mercimonii lepidi! Si hercle nunc ferat

620. Sex talenta magna argenti pro istis praesentaria,
Numquam accipiam. *Tr.* Si, here, te accipere cupias,
numquam sinam.

Th. Bene res nostra collocata est isthoc mercimonio.

Tr. Me suasore atque impulsore id factum audacter dicio,

Qui subegi foenore argentum ab Danistâ ut sumeret,
Quod isti dedimus arrhaboni. *Th.* Servasti omnem ratem.

Nempe octoginta debentur huic minae? *Tr.* Haud nummo amplius.

Th. Hodie accipiat. *Tr.* Ita enim vero: ne qua causa subsiet,

Vel mihi denumerato: ego illi porro denumeravero.

Th. At enim, ne quid captioni mihi sit, si dederim tibi?

630. *Tr.* Ego te ioculo modo ausim dicto aut factio fallere?

Th. Ego' abs te ausim non cavere, ne quid committam tibi?

Tr. Qui tibi numquam, quidquam, postquam tuus sum, verborum dedi.

Th. Ego enim cayi recte. Eam mihi debo gratiam atque animo meo.

Sat sapio, si abs te modo uno caveo. *Tr.* Tecum sentio.

Th. Nunc abi: i rus: dic me advenisse filio. *Tr.* Faciām, ut voles.

Th. Curriculo abi: iube in urbem veniat iam simul tecum. *Tr.* Licet.

Nunc ego me illa per posticum ad congerrones conferam.

Dicam, ut hīc res sint, atque ut hunc hīc amoverim.

Act. IV. Scen. I. v. 18

PHANISCUS, SERVUS, THEUROPIDES.

Se. Heus, ecquis, hic est, maxumam qui bis iniuriam 640. Foribus defendat? ecquis, ecquis huc exit, atque aperit?

Nemo hinc quidem foras exit: ut esse addecet

Nequam homines, ita sunt: sed eo magis cauto est

Opus, ne huc exeat, qui male me mulcet.

Hic quidem neque convivarum sonitus, itidem ut antehac fuit:

Neque tibicinem cantantem, neque alium quemquam audio.

Th. Quae illaec res est? quid illi homines quaerunt
apud aedis meas?

Quid volunt? quid intro spectant? *Pha.* Pergam pul-
tare ostium.

Heus reclude: heus, Tranio, etiam aperis? *Th.* Quae
haec est fabula?

Ph. Etiamne aperis? Callidamati nostro advorsum
venimus.

650. *Th.* Heus, vos pueri, quid istic agitis? quid istas
aedis frangitis?

Pha. Herus hic noster potat. *Th.* Herus hic vester
potat? *Pha.* Ita loquor. Ei advorsum venimus.

Th. Quo? homini? *Pha.* Hero nostro: quaeso, quoties
dicendum 'st tibi?

Th. Puer, hic nemo habitat. *Pha.* Hic nemo habitat?
Non hic Philolaches adolescens habitat hisce in
aedibus:

Se. Senex hic cerebrosus est certe. *Pha.* Erras per-
verse, pater,

Nam nisi hinc emigravit, aut heri; certo scio
Hic habitare. *Th.* Quin sex menses iam hic nemo
habitat. *Se.* Somnias.

Th. Egone? *Se.* Tu. *Th.* Tu ne molestus: sine me
cum puerlo loqui.

Pha. Nemo habitat? hem. *Th.* Ita profecto. *Pha.*
Nam heri, et nudius tertius,

660. Quartus, quintus, sextusque, postquam hinc peregre
eius pater

Abivit, nunquam hic triduum unum desitum est esse,
et bibi.

Th. Quid ais? *Pha.* Triduum unum est haud inter-
missum essi, et bibi,

(Genio indulgeri), pergraecari, fidicinas, tibicinas

Ducere. *Th.* Quis istaec faciebat? *Pha.* Philolaches.

Th. Qui Philolaches?

Ph. Quoi patrem Theeuropidem esse opinor. *Th.* Hei
michi, occidi,

Si haec hic vera memorat. Pergam porro percontarier.
Ain' tu istic potare solitum Philolachem istum quis-
quis est,

Cum hero vostro? *Pha.* Hic inquam *Th.* Puere, pae-
ter speciem stultus es.

Vide sis ne forte ad merendam quopiam devorteris;

670. Atque ibi meliuscule, quam sat fuerit, biberis. *Ph.*
Quid est?

Th. Ita dico, ne ad alias aedis perperam deueneris.

Ph. Scio. qua me ire oportet: et quo venierim no-
vi loci.

Philolaches hic habitat, quojus est pater Theeuropides.

Postquam pater ad mercatum abiit hinc;

Aio Philolachem oblectasse vitam,

Perpotasse istic assiduo cnam (Callidamate nostro, et
convivis multisariaz)

Th. Quid? Is aedis emit hic proxumas?

Ph. Non aio. *Th.* Quadraginta etiam dedit huic quae
essent pignori?

Ph. Neque illud aio. *Th.* Hei perdis? *Ph.* Imo suum
patrem ille perdidit.

680. *Th.* Vera cantas: vana vellem. *Ph.* Patris amicus
videlicet?

Th. Heu aedepol patrem eum miserum praedicas *Ph.*
Nihil hoc quidem est,

Triginta minae, prae quam alios dapsiles sumtus facit.

Perdidit patrem: unius istic servos est sacerrimus

Tranio. Is vel Herculi conterere quaestum possiet.

Aedepol ejus me patris miseret, qui istaec sciет